

## **ZAPISNIK SA 15. SJEDNICE UO SAMOSTALNOG SINDIKATA RADNIKA U BHRT-u,**

**U mandatu 2023/2027, koja je održana u utorak 25.6.2024. godine u 10,00 sati u sali 301.**

**Prisutni:** Merima Kurtović-Pašalić; Džemal Kahrica; Edis Fočo; Mubera Herac; Samir Gadžo; Mustafa Baručija; Minka Džihanić; Sadin Kavazović, Ekrem Agić, Sanin Vila, Samir Brkić;

**Odsutni:** Alen Pavić; Omer Bukić; Sanija Saljihi; Minja Erić.

Gost: Goran Brkić

Dnevni red:

1. Zapisnik sa 14. redovne sjednice UO SSR u BHRT-u
2. Aktualna situacija
3. Finansije
  - Blagajnički izvještaj za mjesec maj 2024. godine
  - Izvještaj Adriatic osiguranje za mjesec maj 2024. Godine
4. Pomoć
  - Pomoć članovima sindikata za mjesec maj 2024 godine
  - Pomoć za mjesec juni 2024 godine
5. Razno

**AD 1.** M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 15.redovnu sjednicu UO SSR u BHRT-u, u mandatu 2023-2027 i predložila dnevni red koji je jednoglasno usvojen, kao i Zapisnik sa 14. redovne sjednice UO sindikata.

**AD 2.** Kada je u pitanju aktualna situacija predsjednica M.K.Pašalić je upoznala prisutne da se situacija poboljšala prije svega zahvaljujući aktivnostima Sindikata i protestu upozorenja koji je održan 28.maja,naglašavajući da se nakon protesta u rješavanje problema sa raspodjelom RTV takse uključio i OHR. M.Kurtović-Pašalić je također ukazala na odziv članova sindikata što je također pokazatelj raspoloženja članstva kada je u pitanju bilo kakvo okupljanje i to treba uzeti u obzir prilikom planiranja sindikalnih aktivnosti u budućnosti.

Obzirom da je nakon ostavke i napuštanja Sindikata dosadašnjeg izvršnog sekretara ovo mjesto ostalo upražnjeno M.Kurtović-Pašalić je predložila da se za izvršnog sekretara imenuje Mubera Herac, jer je ista već upoznata sa svim poslovima koje obavlja izvršni sekretar. Nakon kraće rasprave ovaj prijedlog je stavljen na glasanje i jednoglasno je usvojena Odluka da se na mjesto izvršnog sekretara Sindikata imenuje Mubera Herac.

M.Kurtović-Pašalić je također upoznala članove UO o održanom sastanku rukovodstva Sindikata sa predstavnicima IT centara i menadžmenta BHRT-a, a nakon toga i rukovodstva Sindikata sa kolegama iz IT Centara Tuzla, Mostar, Zenica i Banja Luka. DŽ.Kahrica je objasnio o čemu se razgovaralo, te ponovio jedan od najvećih problema koji imaju članovi Sindikata u ITC, a to je da jedan uposlenik obavlja poslove više radnih mjesta, što je potvrdio i kolega iz IT centra Bihać Samir

Brkić. Rukovodstvo Sindikata je zahtjevalo od menadžmenta da se ovaj problem što prije riješi. Također, predstavnici ITCentara su zamolili da rukovodstvo sindikata obide IT centre kako bi se uvjerili u stanje na terenu, a i informirali članstvo iz ITC o aktivnostima Sindikata, jer većina članstva iz ITC nisu upoznata sa tim aktivnostima. S.Brkić je pitao da li postoji Pravilnik o napredovanju, kao i o naknadi za prevoz za uposlenike iz ITC Bihać. Dž.Kahrica je rekao da Pravilnik o napredovanju ne postoji, ali da će se za oba ova pitanja tražiti odgovor od menadžmenta na prvom sljedećem sastanku. Kolega S.Brkić je zadužen da provjeri uplatu naknade za prevoz za sve IT centre, i da o tome obavjesti rukovodstvo Sindikata. Zaključeno je i da će rukovodstvo sindikata prilikom posjete IT centrima razgovarati i o ovom problemu.

M.Kurtović-Pašalić je upoznala prisutne i o sastanku koji je rukovodstvo sindikata održalo sa generalnim direktorom Belminom Karamehmedovićem 11.juna uz opasku da još uvijek nemamo sve detalje o potpisanom Sporazumu o raspodjeli sredstava od prikupljene RTV takse između RTVFBiH i BHRT-a. Dobili smo informaciju generalnog direktora o mogućem povećanju toplog obroka od mjeseca septembra 2024, kada bi na snagu trebao stupiti novi cjenovnik usluga prema FTV-u. Rečeno je i da je generalni direktor pominjao i eventualnu isplatu pomoći radnicima, ali ne iznos i tačan termin isplate. M.Kurtović-Pašalić je istakla da SSRuBHRT-u i dalje ostaje kod svojih zahtjeva: povećanje plaće i toplog obroka u skladu sa troškovima života, uplata doprinosa i naknada, poboljšanje uvjeta rada i pravednija sistematizacija radnih mjesta.

U okviru aktualne situacije, predsjednica M.K Pašalić je pojasnila da je realizovana posjeta resornog ministra Edina Forte pogonima BHRT-a i da se očekuje i veća pomoć od ovog Ministarstva i VM BiH. Kolega Goran Brkić je skrenuo pažnju da bi svima koji dolaze u BHRT, trebalo pokazati stara reportažna kola, jedina koja imamo. Predsjednica je obećala da će pokušati da prilikom posjete ambasadora Johanna Sattlera povesti prilikom obilaska pogona BHRT-a i do reportažnih kola, jer je Javni servis BiH jedini na prostoru Balkana koji nema svoja reportažna kola.

**AD 3.** Blagajnički izvještaj za mjesec maj 2024.godine je primljen k znanju.

Izvještaj o poslovanju sa Adriatic osiguranjem za maj 2024.godine je primljen k znanju.

Kada su u pitanju finansije donesene su jednoglasno i dvije odluke :

- 1.Odluka o utrošku sredstava za održavanje protesta upozorenja 28.5. 2024.g i posjetu predsjednice EFJ Maje Sever, 13.5.2024.g u iznosu od 60,40 KM i
2. Odluka o izmjenama Odluka o naknadama za rad u Sindikatu.

**AD 4.** Pomoć za maj i juni 2024.g

M.Herac je pojasnila da zbog toga što nije bilo plaće, nije bilo ni članarina za maj, tako da na ovoj sjednici trebamo usvojiti pomoć za 2 mjeseca.

Odluke o pomoći za mjesec maj i mjesec juni 2024.godine donesene su jednoglasno.

UO je donio i Odluku da se koleginići Minji Erić, dodijeli beby poklon bon DM-a u iznosu od 200KM, i to 3 poklon bona koja su ostala od ranije (8.Mart) i još jedan u dogovoru sa DM-om.

## **AD 5. Razno**

UO Sindikata je upoznat da je do 30. Juna 2024 potrebno iskoristiti 2 bona Bingo koja su ostala viška, te je UO donio Odluku da se ovi bonovi dodijele dvojici pomoćnih radnika (po 1 kupon).

Predsjednica je upoznala i prisutne o mailu od člana Sindikata koja ima problema sa kolegom na FTV-u i saopćila da je isti upućen na Komisiju za pravnu pomoć Sindikata.

Dž.Kahrica je zatražio od UO saglasnost da se obrati usmeno ili putem dopisa Menadžmentu zbog teške situacije u kojoj radi energetika na BHRT-u, a pridružio se i kolega E.Agić koji je skrenuo pažnju da služba sigurnosti nema dovoljno radnika. UO je dao saglasnost da se Menadžmentu upute dopisi ili usmeno se obrazloži teška situacija u postrojenjima Energetike i nedostatak radnika u službi sigurnosti.

U 11 sati i 6 minuta sjednica je završena.

Izvršni sekretar/ica

Mubera Herac

Predsjednica SSSR u BHRT-u

Merima Kurtović-Pašalić